

Konačna Odluka Visokog predstavnika o integraciji opštine Žepče

Koristeći se ovlaštenjima koja su mi data članom V Aneksa 10 (Sporazum o civilnoj implementaciji Mirovnog ugovora) Općeg okvirnog sporazuma za mir u Bosni i Hercegovini, prema kojem je Visoki predstavnik konačni autoritet u zemlji u pogledu tumačenja pomenutog Sporazuma o civilnoj implementaciji Mirovnog ugovora; i posebno uzevši u obzir član II. 1. (d) gore navedenog Sporazuma, prema kojem Visoki predstavnik "pruža pomoć, kada to ocijeni neophodnim, u iznalaženju rješenja za sve probleme koji se pojave u vezi sa civilnom implementacijom";

Pozivajući se na stav XI.2 Zaključaka Vijeća za implementaciju mira koje se sastalo u Bonu 9. i 10. decembra 1997. godine, u kojem je Vijeće za implementaciju mira pozdravilo namjeru Visokog predstavnika da iskoristi svoj konačni autoritet u zemlji u pogledu tumačenja Sporazuma o civilnoj implementaciji Mirovnog ugovora kako bi pomogao u iznalaženju rješenja za probleme, kako je prethodno rečeno, "donošenjem obavezujućih odluka, kada to bude smatrao neophodnim," u vezi sa određenim pitanjima, uključujući (u skladu sa podstavom (c) ovog stava) i "mjere u svrhu obezbjeđenja implementacije Mirovnog sporazuma na čitavoj teritoriji Bosne i Hercegovine i njenih entiteta";

Imajući na umu član 11. moje Odluke o integraciji općine Žepče od 6. oktobra 2000. godine (Službene novine Federacije Bosne i Hercegovine broj 44/00) i Izvještaj i preporuke Međunarodnog vijeća za procjenu sa sastanka koji je održan 24. i 25. maja 2001. godine;

Smatrajući da su preporuke gorenavedenog Međunarodnog vijeća za procjenu postignutih rezultata ispunjeni.

Uzimajući u obzir sveukupnost gorenavedenih pitanja, donosim slijedeću:

KONAČNU ODLUKU

O INTERGRACIJI OPĆINE ŽEPČE

1. Kao što sam najavio 17. septembra 2001. godine u Žepču ovim objavljujem da je Odluka o integraciji općine Žepče od 6. oktobra 2000. godine (Službene novine Federacije Bosne i Hercegovine broj 44/00) konačna i obavezujuća.
2. Granice općine Žepče će biti onakve kao što je objavljeno u gorenavednoj Odluci od 6. oktobra 2000. godine.
3. Gorenavedena Odluka o integraciji općine Žepče od 6. oktobra 2000. godine se ovim mijenja i dopunjuje tako da se briše zahtjev za ratifikaciju konačne Odluke donošenjem zakona od strane Parlamenta Federacije.
4. Zakon koji je dat u prilogu ove Odluke kao Aneks 1 stupa na snagu kao što je predviđeno članom 7. pomenutog Zakona.
5. Ova Odluka je sama po sebi konačna bez potrebe za daljom ratifikacijom i stupa na snagu odmah i biće objavljena odmah u Službenim novinama Federacije Bosne i Hercegovine.

Sarajevo, 30. novembra 2001. godine

Wolfgang Petritsch,

Visoki predstavnik

Aneks 1: Zakon o izmjeni granica općine Žepče